

ENFÒMASYON SOU OPERATION LIFESAVER:

OPERATION LIFESAVER SE YON MISYON POU EDIKASYON SOU PREKOSYON AVÈK RAY TREN, KI RESEVWA SIPÒ NAN MEN MOUN KI DEVWE. OBJEKTIF NOU, SE POU FINI AVÈK KOLIZYON, LANMÒ, AK AKSIDAN SOU AK TOUPRE LIY AK RAY POU TREN.

- Prezantasyon vityèl ak an pèsonn gratis nan tout Etazini.
- Pwogram leson anliy (eLearning) pou chofè pwofesyonèl, ak sekouris, ak chofè otobis lekòl.
- Ale nan adrès oli.org pou pran randevou pou yon prezantasyon, oswa pou jwenn materyèl sou sekirite, oswa pou ou enskri kòm volontè ak divilge kanpay enfòmasyon piblik, oswa videyo, oswa lòt bagay ankò.


EDE FINI AVÈK TRAJEDI SOU RAY TREN

Konnen kisa ki pase.
Pran bon desizyon.
Pataje mesaj la.

OLI.ORG

SWIV NOU SOU REZO SOSYAL

(800) 537-6224




Edikasyon sou Prekosyon avèk Ray Tren

Copyright © 2021 Operation Lifesaver, Inc. Tout dwa rezève.

RETE AN SEKIRITE.

KONNEN KISA KI PASE.

SA TOUT MOUN KI RENMEN
PWOMENNEN DEYÒ
BEZWEN KONNEN SOU
KWAZMAN RAY TREN



KONNEN KISA KI PASE:

NAN ETAZINI, GEN YON TREN KI FRAPE YON MOUN OSWA YON OTO CHAK 3 ÈDTAN.


TREN YO FÈ MWENS BWI EPI YO PI RAPID PASE SA OU KWÈ - SE TREN SÈLMAN KI DWE KOURI SOU RAY YO.

PRAN DESIZYON POU SEKIRITE:



JANBE LEGALMAN AK AN SEKIRITE

Sèl kote ki legal ak an sekirite pou nempòt moun janbe yon ray tren, se nan kote yo make pou moun janbe. Toujou respekte avètisman ak siyal pou danje yo. Toujou gade si gen yon tren k ap vini, anvan ou kontinye.



KANPE TANN, GADE NAN TOUDE DIREKSYON

Toujou sonje kapab gen yon tren k ap vini. Tren yo kapab pi pre, epi yo kapab ap kouri pi vit pase sa yo parèt, epi yo kapab kouri sou nempòt ray nempòt kilè. Lè gen plizyè ray, sa kapab vle di plizyè tren. Gade byen si ou ka wè aklè jouk nan fen ray yo nan toude direksyon, anvan ou kontinye. PA JANM travèse pandan limyè yo ap mouri ak limen, oubyen lè baryè a bese. Pa janm eseye kouri pase devan yon tren.

YON TREN MACHANDIZ MWAYEN K AP KOURI NAN YON VITÈS 55 MIL ALÈ KAPAB PRAN YON MIL OUBYEN PLIS POU LI RETE - KIDONK LONGÈ 18 TEREN FOUTBÒL.

ÈSKE OU WÈ RAY?
SONJE TREN!

FÈ YON JAN POU OU PA BLOKE

Anvan ou travèse, veye byen pou gen ase plas sou lòt bò a pou ou fin janbe ray yo nèt. Lajè tren yo depase ray yo. Lè w ap kondwi, kite omwen 15 pye distans ant devan ak dèyè veyikil ou a avèk ray ki pi pre a. Pa sèvi avèk levye chanjman vitès la pandan w ap janbe yon ray.



SÒTI! RETE LWEN! GADE KOTE SIYAL BLE AK BLAN AN YE

Si veyikil ou kole oswa bloke nan yon kwazman, fè tout moun soti ak rete lwen touswit, menm si ou pa wè yon tren. Rele nimewo ki sou Sistèm Notifikasyon Ijans Ble ak Blan an (ENS, ki vle di "Emergency Notification System"), epi bay estandadis la nimewo idantifikasyon (ID) pou kwazman an. Ou pa wè okenn afich? Rele 911.




KONNEN AFICH AK SIYAL YO

PLIZYÈ RAY TREN

Lè gen plizyè ray tren. Lè gen plizyè ray, sa kapab vle di gen plizyè tren. Gade byen si ou ka wè aklè jouk nan fen ray yo nan toude direksyon, anvan ou kontinye.

BESE BARYÈ, AK LIMYÈ WOJ K AP MOURI AK LIMEN

Gen yon tren k ap pwoche (menm si ou pako wè li). Pa kontinye jouktan limyè yo etenn epi baryè a monte. Li ilegal epi sa gen danje, si ou pase sou kote baryè ki bese.



PASAJ A NIVO

RETE TANN si gen yon tren k ap pwoche. Tren yo toujou gen dwa pasaj.

LIMYÈ WOJ K AP MOURI AK LIMEN

RETE KANPE pandan limyè a ap mouri ak limen. PA kontinye jouktan limyè a sispann mouri ak limen. Si limyè a kòmanse mouri ak limen pandan ou deja kòmanse janbe ray tren an, kontinye pase.

SISTÈM NOTIFIKASYON IJANS (ENS KI VLE DI "EMERGENCY NOTIFICATION SYSTEM")

Sa a, se premye nimewo telefòn ou dwe rele si gen yon veyikil ki bloke oubyen ki pran pàn sou ray yo. REMAK: Chak afich avètisman gen yon nimewo ID pou pozisyon li, ak yon nimewo telefòn ki diferan.

Sèvi avèk ENS la tou pou fè rapò si gen moun, veyikil, oswa debri sou ray yo, oubyen si gen afich oswa siyal avètisman ki domaje, oswa kote moun pa kapab wè.

AVÈTISMAN DAVANS

Ralanti, gade, koute, epi pare pou ou rete. Anjeneral, se premye avètisman ou wè, lè ou pral rive pre yon kwazman pou ray tren.



AMIZE NOU DEYÒ, MEN TANPRI FÈ SA AN SEKIRITE.

RAY POU TREN, PON, AK TRETO SE POU TREN - PA POU AMIZMAN!

SWIV KONSÈY SA YO

- 1 Chimen ray tren yo se pwopriyete prive. **Si yon moun sèvi avèk chimen ray tren pou chase, peche, oswa kondwi oto pou lanèj, ATV, UTV, oswa kòm teren pou fè eski, li komèt yon vyolasyon pwopriyete prive epi li mete tèt li an danje!**
- 2 Gen plas SÈLMAN pou tren sou pon kote ray yo pase, ak sou treto ak nan tinèl yo. Pa rete sou ray yo.
- 3 Tren yo pa gen lè pou yo pase. Toujou sonje kapab gen yon tren k ap vini. Tren yo kapab pase sou nenpòt ray, nenpòt kilè, ak nan nenpòt direksyon.
- 4 Sèl kote pou janbe ray tren san danje, se nan kote piblik ki make pou sa. Si ou janbe yon lòt kote, se yon vyolasyon pwopriyete prive. Sa ilegal. Ou ka pèdi lavi w oubyen sibi yon chòk grav, oswa gen pou peye yon amann, oswa arete.

- 5 Si w ap kondwi yon ATV, oswa yon UTV, oswa yon oto pou lanèj, pase nan yon vitès ki pèmèt motè ou fè mwens bwi anvan ou janbe ray tren an.
- 6 Si w ap rale yon woulòt, oswa yon bato, oswa yon trelè - sonje mete djak trelè a nan pozisyon wo; si djak yo pa monte, yo kapab kwoke nan kwazman an.
- 7 Oto pou lanèj, ATV, ak UTV pa fèt pou ray tren ni pou kote tren gen dwa pasaj, epi yo kapab kwoke nan ray yo. Rete deyò, rete lwen, epi rete an sekirite.



SIYAL KI TRASE ATÈ

RxR ansanm ak yon liy blan laj ki trase sou wout la vle di ou pral rive nan yon kwazman ray tren. Rete deyò liy blan ki montre kote pou kanpe a, pandan w ap tann trenn an pase. Pa gen liy ki montre kote pou kanpe? Rete omwen nan yon distans 15 pye avèk ray ki pi pre a.

POU VEYIKIL KI BA JANBE NAN YON KWAZMAN

Kwazman ki monte wo pi devan an. Si w ap kondwi nenpòt veyikil ki ba - tankou yon platfòm ba, yon otobis, yon kamyon, yon oto pou espò, oswa yon trelè - gen danje pou veyikil la rete bloke sou ray yo. Pa kontinye jouktan ou sèten veyikil la pral kapab janbe anèl ray yo.

